

华阴县志

第一
卷
九
册

華陰縣志卷三

城池

城郭據邑治之中東距潼關四十里西至華州七十里南抵嶽趾十里北臨渭涘二十里太華竦之於前天池縈之於後右毗械林之勝地左聯桃塞之名墟晉豫雍梁環稱四際雖曰不足三里之城亦儼然一奧府也昔之相土營水法地象天卜築之術蓋已精矣

府志

華陰縣城池本隋唐舊址

舊志

土城周圍二

里九分元至正十八年達魯花赤脫力白修築明嘉靖四十二年覆隍之變知縣李冲漢重築睥睨砌以磚萬歷五年李令承科奉文增厚八尺

舊志

高二丈二尺今二丈七尺池云八尺今

深淺不等爲門三東曰蓮珠西曰金萼南曰迎陽各有高樓北無門堪輿家謂嶽勢俯臨其氣峻急不可以當之故崇垣而建三樓於其上

舊志

謂縣令王九疇建歲久頽圯乾隆十五年知

縣姚遠翹勸諭紳士募捐重修西曰翠靈中曰環翠東則建尊經閣以當三峯東門外與城北池俱堙平僅留水溝一道其水源自黃神峪來導引經城東橋下北流至東北隅折而西繞至西北陬注於西澗然上游居民渴資灌溉溝恆涸也西門外則長澗之水也澗水帶沙而行踰夏秋則澗身淤淺每歲春仲撥夫挑挖南門以外左右地形稍厚未能鑿斯乾隆

年知縣

陸維垣於城外課栽柳樹面面成行城東橋北渠更加寬深廣

種菡萏冀欲紅萼綠枝兩相掩映然山水陡發沙泥停淤不越時而堙矣

官署

察院 在縣治東今廢

兵備道署 在縣治東今廢

府廳署 在縣東今廢

以上三署皆行署也

知縣署 出治之總也舊志縣署居城之中明洪武二年縣丞

黃文明奉檄繕建正堂六楹左屬庫藏前抱廈楹如堂數鄼侯

祠居左贊政廳居右之後後堂四楹又後爲知縣宅堂西偏並

正堂

列縣丞主簿宅稍折而南爲典史宅嘉靖中縣令簡仲宇王時
雍李冲漢相繼修葺堂下東西序列六房吏廨西南隅爲獄獄
舊在二門外萬厯中劉知縣若水移諸內前爲儀門傍列糧房
東南隅爲迎賓館後爲土地祠更前爲譙樓申明亭在縣門左
右今廢

府志

按今衙署大門改置磚洞上爲樓卽譙所也二門三楹左右建
立角門門外右爲左爲迎賓館爲土地祠二門內中建戒
石坊大堂五楹堂下東西列置六房吏廨大堂之左右坊皆南
向二門之左右房皆北向堂階之下東西貼甬道各建房三楹
爲諸役聽事之舍也大堂後二堂五楹前列左右房令之臧獲

司鑰者居之東西偏院爲書房爲幕室爲廚所二堂之後曰三堂制如前再後則官眷宅也乾隆三十二年知縣楊成械動項承修三十九年知縣陸維垣重修近亦改易不一

縣丞署 在縣治之東制仿縣署而減之

按丞署舊在縣衙之西雍正三年移駐潼縣改建倉廩雍正五年潼關改縣丞仍回華陰原治今之署即裁減驛丞之署也

典史署 在縣署西由二門出入其衙制更減體應爾也署前卽獄蓋所司牢狴也大門內卽堂堂三楹堂之前左右房各四楹胥役所居乾隆五十年典史張約重建堂後三楹其西新建院落凡十餘楹爲書室

主簿署 在縣署西 年缺裁

驛丞署

府志

潼津驛丞廨在縣治東今廢

遞運所大使署

府志

華陰遞運所大使廨在縣治西今缺裁

署廢

潼關驛丞署

府志

潼關驛丞廨在潼關城內舊屬縣轄潼關

改縣歸潼關轄

稅課局

府志

在縣治東南明洪武二年造正統二年裁遺址

遂失

潼關遞運所大使署

舊志

明洪武二年縣丞黃文明建府志

潼關遞運所大使廨在潼關城內舊屬縣轄潼關改縣歸潼關

轄

儒學署 在縣治東學校兩傍教諭居明倫堂右大門向東正堂三楹南向西書房二楹堂後則眷宅也訓導居明倫堂左大門南向正堂三楹堂後眷宅處室學書門斗之廨三楹在明倫堂下甬道東隅

駐防廨 在縣治東附近東門

陰陽學 舊志 在縣治西今廢

醫學 舊志 在縣治西今廢

僧會司 寄設

道籙司 寄設

養濟院 舊志 在縣西關明縣丞黃文明建縣令朱官重修

漏澤園

舊志

一在縣西關知縣郭鉉建一在縣城西五里邑

紳陳諫建一在縣城西七里知縣劉若水建縣令朱官於城東西五里各建一區

崇祀

社稷壇

舊志

在縣城西北東西七十七步南北四十三步祭

以春秋仲月上戊日雍正三年定制祭品羊一豕一帛一劔一籩四豆四簋二簋二刊圖通行

按唐制以石爲主其形類鐘剡上而下植於土宋祥符二年詔定諸州社稷模其狀分給四年頒壇制於天下廣丈有五尺高尺有五寸社以后土勾龍氏稷以后稷氏配元因之壇南植栗木爲表明洪武初社稷分爲二壇八年遵制併爲一壇北向東西二丈五尺南北如之高尺四寸四分出四陛三級壇下九丈五尺東西南各五尺繚以周垣四門由北門入石高二尺五寸方一尺一寸剡

其上培其下於土中木主一一題曰縣社之神居左一題曰縣稷之神居右旁有神厨齋宿等屋歲以春秋仲月上戊日有司前期二日齋戒用豕一羊一祝一帛二改祭今仍其制

風雲雷雨山川壇

舊志在縣城南闊南十八步北三十步長

東五十七步西三十二步祭以春秋仲月上戊日雍正三年定

制祭品與社稷壇儀注與先農壇同

按風雲雷雨山川壇明洪武初常爲二壇八年併爲一壇南向廣袤與社稷壇同木主三一題曰風雲雷雨之神居中一題曰本縣境內山川之神居右一題曰本縣城隍之神居左外繚以垣周蔭佳木神厨齋宿等屋如社稷之制亦於戊日致祭如前今亦仍之

先農壇 在縣城東郊雍正四年建祭以歲仲春亥日行籍禮

按雍正四年詔各省郡縣立壇以祀先農守土官行耕籍禮每縣制籍田四畝九分籍田後建壇高二尺一寸寬二丈五尺壇後正

房三間配房各一間外繚垣墻南向祭品羊一豕一帛一鉶簋四
豆四簋二簋二前期致齋三日主祭各官俱穿朝服齊集壇行禮
祭畢易蟒袍補服縣官秉耒佐貳執青箱播種耆老一人牽牛農
夫二人扶犁九推九返農夫終畝耕畢望
闕叩禮每年所收米石及用過粢盛數目報部

邑厲壇

舊志在縣城北長闊俱十八步歲祭以清明日七月

十五日十月一日雍正三年定制祭物羊三豕三飯米三石

按明洪武三年創制歲以春三月清明日秋七月十五日冬十月
一日晡時祭以城隍神主之並三日有司移牒城隍之神於祭日
奉城隍神主於壇中南向用豕一羊一以主其祭設無祀鬼神於
壇左右儀物祭文咸有定式今兼用僧道等誦經醮度明制鄉厲
每里立無祀鬼神壇一謂之鄉厲命耆
老歲以春秋仲月致祭萬歷時已廢

八蜡廟

舊志在城南今在城西

明王九疇
八蜡廟記

蜡祭從古有之蓋祭者索也合萬物而索饗之禮

天子大蜡郡國各有祀所以昭美報而祈來歲無非爲民也
華陰南郊去城二里許舊有蜡廟年久無修葺者遺趾雖存
而廟宇已蕩無餘矣予蒞任來詢之縉紳暨士庶卽思修復
然本縣廢墜者多如北城樓如西河渠如東灘地皆拮据未
暇遽及今諸務稍集因命耆民張重耀劉宮陳良弼卜吉於
西關官地計營費捐俸以充仍屬耆民董其役踰月而落成
衆忻然喜悅願各率鋤爲會以供常祀第人情每踴躍於事
始而懈怠於事後異日者人心少怠未必不成廢弛非所以
爲恆也計莫若出於官之額設本縣文廟西嶽廟南壇鹿價
舊額太侈已經裁節茲移銀三兩供本廟春秋之祭每季祭

猪一羊一共一百二十斤價銀一兩二錢祭帛祭品香燭之
數價銀三錢如此設處官崇祀以爲民而無加派增科之擾
民仰費於官司而無簣歛之煩率以爲常此祀雖勿替引之
可也謹壽諸石後有所稽考相沿以行其於祈報大典不致
匱乏小民之依或有所仰庇云

萬歷四
十三年

城隍廟

舊志在縣治東明初建萬厯間重修

王宏嘉重修
城隍廟記

城隍神歷代無常祀縉雲令李陽冰云吳越有

之值旱禱則輒應於是立廟山巔陆游主簿寧德言自唐以
來郡縣雖皆祭之非定制也至明乃綦重焉洪武初以公侯
伯分封府州縣後復去之止稱城隍而列在祀典與社稷等

禮凡守令蒞土必夙祭誓神而後施政教朔望拜謁著在令
甲罔有攸異亦極盛矣而民之私事者尤虔誠恭肅水旱疾
疫必禱焉卽平時瞻仰凜凜如事生寰宇以內大小悉然蓋
惟神之博濟民生蠲除物厲呵護一邑威福柄之實司二十
七里民社之寄非他琳宮梵宇者比廟貌久圯荒頓陳昧非
所以示崇奉卽非所以昭靈應也僉謀修葺萬姓懽悅丹堊
改構始於戊申之春初迄於己酉之秋杪自廟以內建修非
一而檟棟整麗儼然神明在上樹碑紀績問文於余夫余生
長茲土藉神之庇依者非一世矣則何敢辭竊以爲神聰明
正直者也上配圓象下共方儀其福善禍淫靡幽弗應罔微

弗該不可邀冀而獲福消禍設使無所章別神必不徒飾壯
觀虛享國祭民祀今汙習罷訟風俗漸頽仰神樞機其間導
之避就而以慶殃繼之煌煌震疊俾潛移於善乃上善人安
則歲穰物阜士民樂業而後見神之崇禱錫極也夫如是則
茲舉之仰尊國憲頽順人心經始落成理宜詳載琢石泐辭
烏可緩諸鳩工者市民王宏成道官王本恆輸貲姓名紀於

碑陰

康熙八年

按八編類纂城隍自三國以來因事而祭其立祠則見於唐李德裕之在成都宋以來天下通祀明史洪武二年命加城隍封爵縣爲鑒察司民城隍顯佑伯秩四品三年詔去封號止稱縣城隍之神廟制造木主

馬王廟

在縣治東北向康熙辛卯知縣簡廷佐建

龍神廟

在縣治西

賈志

神祀顯應侯

府志

華州移山廟祀注

宋封顯應侯此卽移山勅封之號

按邑內禱雨各泉崇膺封號何須乞靈於少華山之神明而虔奉香火乎此似有誤且據王宏撰重修顯應侯廟記廟亦不在縣治內也附錄於後可以參證

王宏撰重修

顯應侯廟記

顯應侯廟者何龍廟也廟之者何所以祀龍也

何以稱侯爵也孰爵之天子爲天所立者也其爵之奈何韓

子曰龍嘘氣成雲薄日月伏光景感震電神變化水下土汨

陵谷以其嘗有功德於民也册而尊之致密極也何言乎顯

應載陰載陽隨所希求章龍之績亦孔之昭也夫鱗蟲之屬

三百有六十而龍爲之長記禮者亦謂之四靈之一耳其不

秩於三代之典也明甚此其祀之何也時及之也且古禮之失也久矣祖龍之過也蜡也猫虎昆蟲皆有享焉獨不及龍是闕也秦并天下令祠官所嘗奉名山大川鬼神而龍與焉史所稱湫淵朝那者是也是則祖龍之功也然則儒者奚以非其非古與議於禮則無據考於籍則無傳求其故而不得斯非之矣曰懼其與天地分功焉者從而爲之辭也則甚矣宋人之固也故毗陵追而疑焉以爲古有豢龍氏其無乃羞飲食以祀龍之謂如伊耆氏之於蜡實掌其祭者邪顧華陰何以祀天下水府有八而車箱潭其一也故祀之莫華陰宜也宮華皆山也淫焉潛焉皆水也匯而入渭廟當其所故祀